

致：立法會福利事務委員會議員
勞工及福利局局長張建宗
財經事務及庫務局局長陳家強

〈舊區居民〉要追問〈特區政府〉點解拖延唔攞「全民退休保障」計劃？

特區政府完全無長遠安老政策：

根據香港政府統計處的最新推算，65歲或以上人口將由2009年的89萬人增至2019年的133萬人、2029年的206萬人以至2039年249萬人，所佔人口比例由25%增至28%。政府不即時未雨綢繆制定長遠安老政策，到期人口老化高峯期根本無辦法解決老人退休生活的保障，到時真係三無政策「老無所養、老無所屬、老無所為」。

三根支柱模式的退休保障制度根本搵街坊笨：

政府所謂社會保障制度，即是現時的綜援金、傷殘津貼及高齡津貼，前兩者不是全民性，人人都有份；後者即使長者年到七十歲可以領取一千蚊生果金，生果金根本不是養老金，不足應付日常生活開支。致於強制性公積金更是搵基層街坊笨，人工已經冚，仲要供強積金，基金行政費及投資無咗一截，仲要與長期服務金或遣散費對沖，攞番都捱唔到一、兩年。最後個人自願儲蓄，基層街坊根本連食都唔夠，有病睇醫生都無錢，何來有錢儲蓄。

住係舊區的居民「又老又窮又危危乎」：

今年1月29日係土瓜灣馬頭圍道45號塌樓事件，這正反映全港舊區居民的生活處境，個個舊區又老又殘，樓宇失修及治安環境衛生惡劣，住係度街坊都係基層街坊，有新來港人士、南亞裔的朋友、老香港的老人家、基層打工仔女，究竟特區政府這班年薪過百的官員只係識得向有特權商家佬傾斜，根本無為香港基層市民作出任何貢獻！

強烈要求：

- (一) 為達致「全民養老，老有所養」的退休保障生活，特區政府盡快進行公眾諮詢及落實推行全民退休保障計劃；
- (二) 立法會盡快設立專責小組推動及跟進政府落實推行全民退休保障計劃。

土瓜灣舊區居民關注組
二零一零年十二月十八日